



太祖

附考嘉靖年

冊寶

太祖 太后事宜 一陳設

太祖

爵 爵 爵
大羹 棗 菱 芡 鹿脯
白餅 黑餅 糗餌 粉糍

冊案

白餅

高皇后

爵 爵 爵
大羹 稻 黍 稷 梁
和羹 韭菹 醯醢 菁菹 鹿醢
芡 芡 芡 魚醢

寶祝案

豕 牛 帛 香 燭 御 拜 位

脾析 豚胎 飽食 糝食

白餅

一正祭日

冊寶亭由 奉天門出鴻臚寺官導至 太廟陞上

太常官捧

高皇帝冊寶內臣捧

高皇后冊寶置于殿內東西案上 上乘輿至

太廟門西降輿導引官導 上至寢 上捧

帝至內臣捧

后主至 太廟安訖各廟捧 主官捧 各廟帝后

主入 太廟各座前向上立內贊對引官導

上行典儀唱樂舞生就位執事官各司其事 儀司

成祖宣冊寶畢奏俯伏興平身太常卿跪奏云請

列聖陞座 各廟安主訖捧 至宮各上香訖退 儀

照常行 亞獻女官奉禮 中宮獻

太祖

高皇后爵皇妃八氏獻

八廟帝后爵終獻禮如時祫禮行禮畢各廟捧主官捧

各廟帝后主先回 各寢奉安訖退 上捧

太祖主內臣捧

高皇后主至 寢奉安太常官四員捧

太祖冊寶內臣四員捧

高皇后冊寶隨至寢安訖退 上率皇后妃嬪回宮

一冊文

維嘉靖十七年十一月初二日

孝玄孫嗣皇帝臣御名謹稽首百拜

上言臣伏聞自古受命之君躬接于天萬世不隳號稱太祖然歷選前辟功德高大未有如我皇祖之盛者也是故舜禹受禪乃揖遜而有其位湯武傳業猶放伐而取諸人欽惟我

太祖高皇帝當夷狄據華之秋實天地易位之變乃奮揚神武取中國於冠裳滅裂之餘恢闡聖文

明王道於綱常淪斁之後掃彌天之虜於宇內經百戰而帝業成翦群雄之亂於四方不十載而天下定得國之正視商周而功烈有光受

命維新比虞夏而艱難事倍殆與闢乾坤於混沌肇人紀於狃獠同一揆也若夫制禮作樂經文緯武仁恩溥於萬類教化行於四海躬帝王之大德建聖神之極功則又兼總百王高視千古獨立一代卓乎無前者也不有顯號其何以昭公議於千萬世乎玄孫御名早以冲人續承大位永念 祖德莫可名言茲者不量顛蒙敢效摹

擬謹恭奉 冊寶加上尊號曰

太祖開天行道肇紀立極大聖至神仁文義武俊德
成功高皇帝伏惟

聖靈在天鑒觀有赫垂庥委祉啓佑後人祚我
皇明與天無極 臣御名誠懽誠忭稽首頓首謹言

維嘉靖十七年十一月初一日

孝玄孫嗣皇帝臣御名稽首百拜 上言臣

聞后妃德侔於天地式奉神靈之統閨門化洽
于家邦允惟王教之端三代之興罔不由是然
闕睢化微徽音益遠漢唐而降懿德罕聞乃若

輔聖成天贊元幹化篤生

成祖再造丕基則自上世以來未有若我

高皇后之德之功者也國家百年陰教明章內治成

順邇源祖委厥有自未敢惟我

孝慈高皇后生有至德作配 聖王懿範貞容母儀

天下嘉言善行風動萬邦左右 廟謨有參贊

運籌之力服勤女事歷艱難創業之勞不妄殺

人之言與孟軻之訓相登無忘布衣之念與無

逸之書同旨大哉 仁聖之德曠古鮮儷載籍

所傳莫斯為盛也已臣御名永慕 慈恩名言

莫罄謹恭奉

冊寶加上

尊謚曰

孝慈貞化哲順仁徽成天育聖至德高皇后伏惟
慈靈昭鑒享懿號於無窮保我子孫贊

祖基於永

世臣御名誠懼誠忭稽首頓首謹言

一祝文

維

孝玄孫嗣皇帝御名敬昭告于

太祖開天行道肇紀立極太聖至神仁文義武俊德成功高皇帝
孝慈貞化哲順仁徽成天育聖至德高皇后

曰適

尊

聖謚宣獻既成奉

列聖帝后来

賀玄孫躬率婦皇后方氏暨文武群臣偕其命婦

敬伸

祭慶之情惟冀

聖神之

鑒永享

尊禱大膺

洪號玄孫御名無任激切率籲之至尚

享

一樂章

迎神

太和

繫中夏之邁艱兮汗羶群皇天厭亂兮春求大
君降錫亢命兮挺生聖神惟我太祖兮首出人
倫一戎衣奄四海兮為帝王真

舉冊寶

鴻和

皇祖受命兮闢乾坤驅逐異物兮復中原陳常
時夏兮祐元元克配彼天兮功高業尊寅薦寶
冊兮鑒我曾孫

初獻 崇和

瑟彼玉瓚兮酌黃流敬而將之兮冕凝旒有赫
在上兮右享羊牛保我子孫兮永荷鴻庥

亞獻 豫和

於皇祖兮帝中華廓清氛稜兮一統為家除兇
雪耻兮功茂以加視湯武兮德音不瑕

終獻 永和

爵三奠兮旨酒熏樂和鳴兮萬舞肅陳率百辟
兮偕駿奔衍我祖兮神欣欣

徹饌 彰和

孝享畢兮禮弗愆曩牲俎兮徹豆籩於昭對越
兮神在天益篤皇祐兮萬斯年

還宮 綏和

薦鴻號兮大禮成仰瞻威赫兮陟降在庭列聖
左右兮懽欣合并鐘鼓響答兮祀事孔明粵有
大德兮必得其名天地罔極兮欲報奚能庶幾
暨享兮寸草微誠永賴祉福兮用保我後生

一 改題

太祖

高皇后主事宜

一是日用脯醢果酒行三獻禮服吉服

上乘輿至 太廟門西降輿導引官導 上至

寢香案前上香行一拜三叩頭禮至 神床前跪太

常卿跪奏云謹請

太祖高皇帝神主恭用奉 題少卿跪奏 謹請

孝慈高皇后神主恭用奉 題 上請

太祖主內臣請

高皇后主置于 寢案內官監官洗抹粉飾訖中書

寫訖翊國公郭勛題畢 上同內臣請

帝后主還于原處 上跪卿跪奏云謹請

太祖開天行道肇紀立極大聖至神仁文義武俊德成功高皇帝

神靈上

神主降殿奉享少卿跪奏 謹請

孝慈貞化哲順仁徽成天育聖至德高皇后神靈上

神主降殿奉享 上捧

帝主內臣捧

后主至前殿安 主訖內贊對引導 上行典儀唱

執事官各司其事內贊奏就位典儀唱迎神內
贊導 上至香案前奏跪上香復位奏再拜陪

拜官同 典儀唱奠帛行初獻禮內贊導 上至

案前奏獻帛訖奏獻爵獻二爵訖奏復位奏跪

陪拜官同 贊讀祝訖奏俯伏興平身陪拜官同

典儀唱行亞獻禮行終獻禮儀同初獻惟不獻

太常卿跪奏禮畢請還宮奏再拜陪拜官同典

儀唱讀祝官捧祝進帛官捧帛各詣燎位奏禮

畢 上捧

帝主內臣捧

后主還 寢安訖 上回宮

一祝文

孝玄孫嗣皇帝御名敢昭告于

太祖開天行道肇紀立極大聖至神仁文義武俊德成功高皇帝
孝慈貞化哲順仁徽成天育聖至德高皇后

日玄孫恭于此月之初尊

皇祖聖謚禮成即擬拜書

神主玄孫幼而弗慎致疾浹旬茲卜吉期敢敬奉

主更題既虔爰伸 祭告仰惟

聖慈攸歆尊事之誠 永依萬世尚 享

附考嘉靖年

冊寶

成祖

冊寶

睿宗并

祔享

太廟事宜

前期行

奏告禮于

玄極寶殿

用脯醢果酒行三獻禮

一奏告文

維嘉靖十七年九月初九日

嗣天子

臣御名敢祇奏于

昊天上帝

曰臣聞古之人君奉事

天者禮備情

文是以明堂

大享行焉臣以冲愚仰承

明命纘

祖丕圖恭以今年為始

大享

上帝于

玄極寶殿之堂循 嚴父配 帝之規取是月二十

一日行 大享禮先以十一日尊上

皇考廟號尊謚為

睿宗知天守道洪德淵仁寬穆純聖恭儉敬文獻皇帝

臣又惟我邦家

天命

皇祖高皇帝開創于初

皇祖文皇帝成事于備 二聖之功德似同即此土日尊

皇祖文皇帝廟號尊謚為

成祖啓天弘道高明肇運聖武神功純仁至孝文皇帝奉

冊寶率臣僚行禮于 二廟惟是 大享首奉特祈

垂歆既臣奉 御位于大內之 玄極寶殿仰望

天慈俯賜 陟降臣下情無任竭愚之至謹 奏

一改題

成祖主大學士李時題

睿宗主大學士夏言題儀注同 太祖儀

一祝文

孝玄孫嗣皇帝御名敢昭告于

成祖啓天弘道高明肇運聖武神功純仁至孝文皇帝

仁孝慈懿誠明莊獻配天齊聖文皇后

曰爰用是辰恭題 神主更書 御號奉慰安

神仰惟我 祖萬禩永依玄孫無任瞻事之至謹告
皇考文同但改我 考稱孝子

一正祭日陳設十二籩豆牲醴

成祖用寶亭由 奉天門出鴻臚寺堂官導引至

成祖廟陞太常堂官捧 冊寶置于 殿內左右案

上乘輿至 太廟門西降輿導引官導引 上至

太廟戟門外帷幙內具服出導引官導引至成祖廟寢

上請 主至 廟內安主訖出圭內贊對引官導引

上行典儀唱樂舞生就位執事官各司其事內贊奏

就位典儀唱迎神樂作內贊導 上至香案前

奏跪播圭上香訖奏出圭復位樂止奏四拜傳

贊百官司典儀唱舉冊寶樂作太常官捧冊跪于

上右內贊奏跪傳贊衆官皆跪奏播圭典儀唱進冊

上受冊獻訖授捧冊官安于案上太常官捧寶跪于

上左典儀唱進寶 上受寶獻訖授捧寶官安于案

上內贊奏出圭讀冊官請冊跪于 上右樂暫

止太常卿唱宣冊訖安于案上讀寶官請寶跪于

上左太常卿唱宣寶訖安于案上樂復作奏俯伏興

平身 傳贊百官同 樂止典儀 唱 奠帛行初獻禮

樂作內贊導 上至案前奏摺去獻帛獻爵訖

奏出去請讀祝位奏跪 傳贊眾官皆跪 樂暫止

贊讀祝訖奏俯伏興平身 傳贊百官同 復位樂

復作樂止典儀 唱 行亞獻禮行終獻禮 儀同初

獻惟不獻帛讀祝 樂止太常卿唱賜福胙光祿

卿捧福酒胙跪于 上石內贊奏跪摺去飲福

酒受胙出去俯伏興平身奏再拜 傳贊百官同

樂止典儀 唱 徹饌樂作樂止太常卿跪奏禮畢

請還宮樂作奏再拜 傳贊百官同 樂止典儀 唱

讀祝官捧祝進帛官捧帛各詣燎位捧祝帛冊

寶官出殿中門奏禮畢 上捧 主還寢太常

官捧冊寶隨至 寢安訖退 上安 生訖出至

睿宗廟戟門外帷幙內少憩出導引官導 上至

寢請 主用十二籩豆三牲

前期初十日于 文華殿西室面奉

聖旨只用迎神上冊寶還宮改降座上冊寶樂止太

常卿跪奏云請

睿宗獻皇帝謁 祖祔享降座陞輿樂作 上請

主至陞 上安于輿內行 上隨行 各廟捧

主官捧 各廟帝后主至 太廟先安訖 睿宗興至
太廟陛下 上跪太常卿跪

主至陞初登典儀唱樂舞生就位執事官各司其事

迎神樂作二遍典儀唱 睿宗獻皇帝謁

廟 上捧 主入就拜褥奏跪 上安 主于褥上

奏出主太常卿跪奏云孝玄孫嗣皇帝御名躬奉

皇考睿宗知天守道洪德淵仁寬穆純聖恭儉敬文獻皇帝

參拜內贊奏興五拜三叩頭興平身奏揖主

上捧 主朝上立太常卿進于東北西向唱 賜座

上捧 主安于座上出主內贊導 上至

太祖香案前奏跪揖主上香訖奏出主復位 各廟捧

主大臣齊上香訖退樂止奏四拜 傳贊百官同 典儀

唱奠帛行初獻禮樂作內贊對引官導 上至

御案前奏揖主 上受帛奏獻帛 上受爵奏獻爵

上獻

太祖爵訖奏出主奏揖主 上受爵奏獻爵 上獻

高皇后爵訖奏出主復位

八廟捧 主官齊獻帛爵訖退樂暫止奏跪 傳贊眾

官皆跪 贊讀祝訖復作奏俯伏興平身 傳贊百

官同 樂止典儀唱行亞獻禮行終獻禮 儀同初

獻惟不獻帛讀祝樂止太常卿至

太祖室西向立唱賜福胙光祿卿捧福酒胙跪進于上方內贊奏跪搯圭奏飲福酒訖奏受胙訖奏出圭俯

伏興平身奏四拜傳贊百官司典儀唱徹饌樂

作樂止太常卿向上跪奏禮畢請還宮樂作奏

四拜傳贊百官司樂止典儀唱讀祝官捧祝進

帛官捧帛各請燎位樂作上退拜位之東立

捧祝帛官出殿中門奏禮畢上請

太祖主捧主官請

高皇后以下

各廟帝后主至各寢俱安訖退

一冊文

維嘉靖十七年九月十一日

孝玄孫嗣皇帝臣御名稽首百拜

上言臣伏聞古先聖王有大功德者必有大名稱是以見諸當時則盛大而莫及施諸後世則震耀而無窮然節惠之謚雖表于至公而述德之辭未足以盡實則為子係臣庶永言思孝而弗可讓者豈容不崇薦鴻號以丕揚大烈乎恭惟皇祖文皇帝躬英聖之資抱神睿之畧文章煥然

而可述功烈魏乎以有成當

春顧維新之命遭艱難未造之家將周公東征之師
而大定王室則所以成繼述之孝者何其勤遷
武王鎬京之都而永建帝業則所以成創守之
功者何其大表章六經垂範萬世禮樂明備教
化大行有經天緯地之文 親御六飛威振絕
漠四裔君長咸奉職貢有戡亂除兇之武光殘
寶祚而二紀之治坐致太平晚付 皇儲而萬幾
之勤不廢總攬至於敬 天勤民右文重道親
賢遠佞無有 君師之衆善乃若懋賞輕刑畏

夾重教憫農優艾備有 帝王之全德此則自
載籍之傳未有豐功駿業而可以加茲者也臣
御名忝以支童託承 大德比已恭建 特廟
用圖百世不遷茲者加上 尊稱期於配

天罔極謹奉 冊實上 尊謚曰

啓天弘道高明肇運聖武神功純仁至孝文皇帝
廟號 成祖伏惟 靈德在天顧歆廟祐 鑒茲微
悃臨享徽稱保我子孫億萬斯世臣御名誠懼
誠忝稽首頓首謹言

一祝文

孝玄孫嗣皇帝御名敢昭告于

成祖啓天弘道高明肇運聖武神功純仁至孝文皇帝
仁孝慈懿誠明莊獻配天齊聖文皇后

曰適玄孫躬率群臣加上

聖號既畢宣奏之禮用伸 燕賀之情惟我

皇祖 永歆孝念尚 享

一樂章

迎神 泰和

天春不遲誕降我皇祖夙秉文德聿昭聖武攘
除姦克戢寧寰宇維典章未備緊孝孫是補大
號鴻名卓絕千古寶冊攸躋精粹斯舉將降休

兮聖靈騰爐煙兮燎炬尚來格來歆以篤天之佑

舉冊寶

熙和

於穆文祖貽我不丕基昊天罔極永言孝思爰薦
徽稱以協民彝勒賁琬琰昭我厥辭以昭于萬
世神其聽之

初獻 壽和

制帛孔純滌牲脂肥黍稷醴羞蠲潔芬醑穆穆
孝孫敬德淵微獻享初陳仰威顏其靡違

亞獻 豫和

千戚武成於昭神功文致太平功穆皇風樂舞

既遷禮儀肅雍奠獻載將致其子顯願申佑我
孝孫萬福攸同

終獻 康和

三爵既登禮秩斯成駿奔就列虎拜盈庭匪臣工
之虔孝孫之德孔明錫皇隆於普天莫邦家兮
永宣

徹饌 永和

古禮之經有儀有節將享既終登歌以徹祀事
利成神人昏悅維孝孫之哀情猶纏綿其糾結
送神 安和

高皇謨烈我祖是成誕垂裕於後昆孝孫是徵
稽古酌今恭薦茲尊稱奕奕闕宮歲事有怕子
子孫孫百世其承之

一冊文

維嘉靖十七年九月十一日

孝子皇帝臣御名稽首百拜

上言臣聞古訓德莫顯於基命孝莫大乎尊親是
故有聖人之德必膺

天命之歸惟天子之孝尤以尊親為至洪惟我明
開國百年業承 八聖乃小子獲奉 郊 廟

進陟 祖位匪我 皇考大德受 命以敷錫
眇躬曷克臻茲顧欲申罔極之恩實久鬱追崇
之典茲欲光於前門垂之來載不有 隆稱顯
號其何以表 至聖而昭 春命子恭惟

皇考獻皇帝 睿明天縱 恭儉性成 蕩蕩難名
道配乎帝堯之大 乾乾不息德比於文王之

純學本

聖傳心契乎四書天經之旨國封南

服化行於江沱汝漢之濱方

憲祖賓遐之後當

孝皇在陳之年迎養一辭昭昭乎

神明享其孝遺

治一跡恢恢乎帝王同其情奉藩二十五年心

罔不在王室而昭事

上帝之心翼翼如有臨

闕世四十四載身罔敢自暇逸而學道愛人之

志孜孜不少倦乃若游情翰墨則精究古法非

經訓之辨弗書至于怡神宮庭即應接斯須非

聖賢之事弗語喜怒不遷賞罰必當有發而中

節之和明照無私幽隱必達有無所不通之睿

摘辭電發煥然其有文章冥心天游廓乎其有

容德誠可謂包眾甫而難名兼百行而備有者

也且御名祇繼

遺麻茂承餘烈永惟

至思

大德無物可稱是以恪稽典禮率籲群心謹奉

冊寶更上 尊謚曰

知天守道洪德淵仁寬穆純聖恭儉敬文獻皇帝

廟號 睿宗伏惟 聖靈如在 皇鑒孔昭膺顯大

於無疆與乾坤而同久永昌祚胤攸寧萬邦臣
御名誠懽誠忭稽首頓首謹言

一樂章

迎神 大和

於皇烈考濬發慶源欽明宣哲敦德允元克昌
厥祚以釐我子孫嗟薦徽稱惟大德是尊惟烈
考鑒茲臨享如存

舉冊賢 熙和

月吉兮辰良薦鴻號兮受命溥將日星赫奕兮
玉冊輝煌啓中興兮七葉頌貞符兮萬方

初獻 壽和

載清酌兮犧尊瑟笙喤喤兮鐘鼓於論樂一奏
兮爵一獻靈來享兮鑒茲重熏

亞獻 豫和

瑤觴濯兮玄酒登懷明德兮薦椒馨絜昭考兮
陟降在庭顧孝享兮靈心載宣

終獻 康和

三獻畢陳八音舉百辟相予祀事必受敬極兮
揚名始冀皇考兮綏孝子

徹饌 永和

笙鏞止豆籩徹禮莫愆孝靡竭神具醉兮以莫
不憚賚我思成兮純嘏是錫

降座 安和

神之來思天路修神之去思路寢幽幽既安既
妥兮靡淹留真宗祊兮永錫洪庥

禘享祝文

維嘉靖十七年九月十一日

孝玄孫嗣皇帝御名敢昭告于

太祖高皇帝

孝慈高皇后

成祖文皇帝

仁孝文皇后

仁宗昭皇帝

誠孝昭皇后

皇高祖考宣宗章皇帝

皇高祖妣孝恭章皇后

皇曾祖考英宗睿皇帝

皇曾祖妣孝莊睿皇后

皇祖考憲宗純皇帝

皇祖妣孝貞純皇后

皇伯考孝宗敬皇帝

皇考睿宗獻皇帝

皇兄武宗毅皇帝

孝靜毅皇后

曰茲者恭上

皇考廟號尊謚禮成爰奉

神主謁

祖祔祭仰延

列聖

同賜鑒歆謹此躬

祭之誠以伸

合享之

禮尚享

祔享樂章

迎神

太和

太室巍巍几廟肇祀皇聖居歆惟昭考假只昭

假維何欣天倫攸叙宗祏有嚴開萬禩伊始

初獻 壽和

酌彼鬱鬯玉瓚是將敬哉捧盈有饒其香儼皇

祖在上八聖在旁合享交欣天容洋洋

亞獻 豫和

樂奏既和禮嚴再獻黃流載觴玉露斯湛丞昇
祖考式衍以宴神其醉止用嘉我明薦

終獻 宣和

五齊維醇萬舞盈度尊祖饗親樂奏禮行式序
式和祀事孔明於赫聖靈兮賚我思成

徹饌 雍和

遵豆有踐兮敬徹不違禮儀卒度兮既敷既匡
神之聽之兮昭裕洋洋保我孫子兮惠錫無疆

送神 安和

雲與肅肅兮靈駕歸闕宮徂兮瞻依我其夙夜

兮敬敢違願言顧歆兮俎豆光輝

附考嘉靖年

冊寶

慈孝獻皇后事宜

一陳設脯醢果酒服素服

一正祭日

上乘輿至 慈寧門外東降輿導引官導 上至几

筵門外內贊對引導 上入典儀唱執事官各

司其事內贊奏就位詣前跪上香復位奏四拜

陪并官同典儀唱上冊寶奏詣前奏跪陪拜官

跪贊進冊太常官捧冊跪于 上右進于

上獻訖授內臣捧安于冊案贊進寶太常官捧寶跪于
上左進寶于 上獻 授內臣捧安于寶案讀冊官
捧冊跪于 上右內贊贊宣冊訖置于案讀寶
官捧寶跪于 上左內贊贊宣寶訖置于案奏
俯伏興平身復位奏四拜 陪拜官同 典儀唱奠
帛行奠禮 奏詣前奏跪 陪拜官同 內臣捧帛
跪于 上左進帛于 上奏獻帛 上獻訖授
內臣獻于東案上奏初奠酒內臣捧爵跪于
上左進爵于 上奠訖授爵于內臣斟酒跪進于
上獻訖授內臣捧獻于案中讀祝官捧祝跪于

上右贊讀祝訖安于篚匣內奏亞奠酒終奠酒

儀同初奠

奏俯伏興平身復位奏四拜

陪拜官同

興儀唱

讀祝官捧祝帛詣燎位捧冊寶官各捧合目詣

燎司焚奏禮畢 上回宮

一冊文

維嘉靖十七年十二月二十七日

孝子皇帝臣 御名 稽首百拜

上言臣聞頌稱壽母子賴以成者遠風美賢妃化
行於助者深是故母儀所被萬方仰其徽音內
治明章閨門由之正始永惟 懿德卓耀前聞

自非隆 大號於迨崇曷以酬 至恩於罔極
粵詢古式率乃彝章恭惟

皇妣大行章聖慈仁康靜貞壽皇太后 員明合天
廣大法地 宅心專靜坤道得一以寧 約已儉
勤母德用慈為寶於 憲祖有逮事之孝敬於
睿考有輔佐之憂勤爰及眇躬之踐阼式臨

慈極以居尊蘊性仁恭豈鄧馬之足尚秉心敬愛嗣
任妣之芳徽化洽 六宮 恩覃四域 三十
載化行於江漢之國 十七年受養於長樂之宮

九廟 聖靈儼禕衣而祇謁

七陵 閔寢勤鸞馭以瞻依方欣介百福以有永固
宜享千齡於無疆豈意

天下慙遺雖切攀號何逮追惟顧復徒創鉅而感深
上荷劬勞實叩心而銜血茲欲播 休聲於後

嗣揚 芳烈於無窮匪易 大名曷尊 主德
敬遵典禮請命子 天謹奉 冊寶上尊謚曰

慈孝貞順仁敬誠一安天誕聖獻皇后伏惟 親慈
降鑒臨享徽稱陟附 嚴宮萃歆萬禩佑于嗣
人水永無極謹言

一祝文

維嘉靖十七年十二月二十七日

孝子皇帝御名謹昭告于

皇妣慈孝貞順仁敬誠一安天誕聖獻皇后尊靈
曰惟我

皇妣弘仁厚德功配坤儀誕育秋躬光膺寶祚

恩被寰宇慶流邦家宜享大名以詔嗣世謹率文

武群臣敬上冊寶禮成伏惟慈靈昭格永

鑒哀忱謹告

一預告

几筵文

維嘉靖十七年十二月二十七日

孝子皇帝御名恭令內總儀官佐敢昭告于

聖母大行章聖慈仁康靜貞壽皇太后尊靈

日茲辰恭以冊寶拜上尊謚伏惟慈靈

鑒知垂賜臨享謹告

一

慈孝獻皇后祔享事宜

陳設十二邊豆牲醴

一正祭日

獻皇后奠亭由

午門出鴻臚寺官導引 上乘輿隨行至太廟

門西降輿詣

獻皇后輿前跪太常寺卿跪奏云請

慈孝獻皇后詣 太廟祔享 上捧 主至 陞初

登典儀唱樂舞生就位執事官各司其事迎神

樂作二遍典儀唱

慈孝獻皇后謁

廟 上捧 主入就拜褥內贊奏跪 上安 主于

褥上奏出主太常卿跪奏云孝玄孫嗣皇帝御

名躬奉

皇妣慈孝貞順仁敬誠一安天誕聖獻皇后參拜內

贊奏興五拜三叩頭興平身奏搢圭 上捧

主朝正立太常卿進于東北西向唱 賜座 上捧

主安于座上出圭內贊道 上至

太祖香案前奏跪奏搢圭上香出圭復位 各廟捧

主大臣齋上香訖退樂止奏四拜傳贊百官同典儀

唱 奠帛行初獻禮樂作內贊對引道 上至

御案前奏搢圭 上受帛奏獻帛 上受爵奏獻爵

上獻

太祖爵訖奏出圭奏搢圭 上受爵奏獻爵 上獻

高皇后爵訖奏出主復位

八廟捧

上官齊獻帛爵訖退樂暫止奏跪傳贊象

贊讀祝訖樂復作奏俯伏興平身傳贊百官同

樂止典儀唱行亞獻禮行終獻禮儀同初獻惟

樂止太常卿至

太祖室西向立唱賜福胙光祿卿捧福酒跪進于

上右內贊奏跪奏措圭奏飲福酒訖光祿官捧福胙

跪進于上右奏受胙訖奏出圭奏俯伏典平

身奏四拜傳贊百官同典儀唱徹饌奏樂樂止

太常卿向上跪奏禮畢請還宮奏樂奏四拜

傳贊百官同

樂止典儀唱讀祝官捧祝進帛官

捧帛各詣燎位奏樂上退拜位之東立捧祝

帛官出中門奏禮畢上請

太祖主捧主官請

高皇后以下

各廟帝后主至各寢俱安訖退

一祝文

孝玄孫嗣皇帝御名謹昭告于

祖宗列聖帝后曰茲奉

皇妣慈孝貞順仁敬誠一安天誕聖獻皇后神主并祔

廟享恭伸祇謁謹以牲牢醴齊粢盛庶品致祭伏惟
尚饗

一樂章

一迎神 太和

肅肅清廟駿奔在馬奉我母慈升祔告虔百禮
有主音在宣惟列聖降靈臨享一筵

初獻 壽和

清酌載酌篚帛既陳敬核惟旅有飶其芬玉瓚
初舉翼翼欽欽以衍我祖考庶幾格歆

亞獻 豫和

苾彼黃流酌言至再以烝以享必敬必戒惟九
聖在天景福是介伊嘏考妣俾式昌以大

終獻 寧和

爵獻既終鏞鼓有奕濟濟蹌蹌率我百群於皇
聖神既歆既懌惠我無疆保子孫千億

徹饌 雍和

享禮既備豆徹敢遲終事有嚴敬而將之肇祀
孔明式永我孝思

送神 安和

瞻雲駕兮翩翩神洋洋兮在天清廟兮肅肅奉

大常考
烝嘗於萬斯年

奉先殿

殿在

神霄殿之東

國朝以

太廟時享未足展孝思之誠復於宮內建

奉先殿蓋以太廟象列朝以

奉先殿象內朝殿九室如太廟寢殿制中室奉安

高皇帝后神主東第一室奉安

文皇帝后神主西第一室奉安

睿皇帝后神主及

孝肅皇后神位東第二室奉安

純皇帝后神主及 孝穆 孝惠皇后神位西第二

敬皇帝后神主東第三室奉安

獻皇帝后神主西第三室奉安

毅皇帝后神主東第四室奉安

肅皇帝后神主及 孝烈 孝恪皇后神位西第四

莊皇帝后神主

凡祭 方澤 朝日 夕月出告回叅及

冊封 諸藩告祭

諸帝后忌祭 日獻膳 月薦新

朔望行禮皆在焉祭品皆 光祿寺辦

嘉靖以前

奉先殿每室止設

一帝

一后神主如

太廟寢殿其祔祀迭遷之禮亦知之嘉靖十五年

世宗皇帝以

孝肅皇后神主祔 裕陵殿

孝穆皇后

孝惠皇后神主祔 茂陵殿合享遂奉安

孝肅神位于 奉先殿

睿皇帝室

孝穆

孝惠神位于 奉先殿

純皇帝室外廷莫知也萬曆三年上諭禮官曰朕思

弘孝 神霄二殿

皇祖妣孝烈皇后

孝恪皇太后神位宜奉安于

奉先殿祔享查議來行禮部議

二后神位祔享 奉先殿未敢擅擬奉

旨 奉先殿今見有

孝肅

孝穆 孝惠三后神位俱係我

皇祖欽定宜遵照祔安不必另擬乃奉安

孝烈 孝恪二后神位于 奉先殿

肅皇帝室

嘉靖初年

萬壽聖節中元冬至歲暮俱告祭于

奉先殿十五年羅中元即祭四十五年冬羅歲暮祭

隆慶元年

萬壽聖節冬至祭相罷

據本寺志嘉靖中歲暮告祭

日博士捧祝版候

奉先殿而總覽云歲暮前

景神殿則歲暮之祭當時又似在景神殿也

又考嘉靖二十年太廟災嘗暫奉列聖主
于景神殿已又遷奉先殿文廟主既奉
於奉先殿則奉先殿之告祭具時或暫在
景神殿行也

方澤朝日夕月出告回叅嘉靖中俱行于

景神殿隆慶初年以來行于

奉先殿祭品祝文事人員皆不由本寺亦不預行

日獻膳光祿寺辦不由本寺

朔望行禮用內執事不用本寺人員

冊封諸藩嘉靖隆慶中本寺預題請遣官行禮

其時祭品告文不由本寺執事則用本寺人員

萬曆元年本寺題請遣官奉

旨朕親行禮二年本寺以內殿禁地用外衙門人

員執事未便題請用內衙門人員供事奉

聖旨是是後不用不寺執事人員惟先期題請

聖駕以冊封告

四月某日冊封前期七日題請

聖駕告內殿本祭品祝文執事人員皆不出本寺

諸帝后忌祭嘉靖以前皆行于奉先殿十八年

高皇帝后忌祭改行于景神殿

文皇帝后以下忌祭改行于

永孝殿至二十四年俱仍于

奉先殿行每忌前二日本寺官 百奏

五月初十日

太祖高皇帝忌辰前期二日本寺堂上官常服候
上御門鳴鞭訖跪奏云太常寺卿在某等謹
奏本月初十日恭遇

太祖高皇帝忌辰 奉先殿有祭祀奏

知一躬退 如其日不朝則具本題
知不題遣官本

凡 百奏 奉先殿祭祀如其日遇 朝先一日
行揭帖知會司禮監不遇 朝不其揭帖

八月初十日

孝慈高皇后忌辰 合行事宜與
太祖高皇帝忌辰同

六月十七日

睿宗獻皇帝忌辰 前期二日應 百奏

奉先殿祭祀緣望日 陸殿止具本題

不題遣官本

十二月初四日

慈孝獻皇后忌辰 前期一日 百奏

奉先殿祭祀 奏式與太祖同惟換月日稱呼如其日不
朝則具本題知不題遣官本

每月薦新品物皆本寺典簿廳收受于前月二
十八月 奏送光祿寺供薦惟二月之水 光祿寺
自薦

三月之茶禮部自薦又每年十月分江西樂平縣解到甘蔗本寺收送尚膳監供薦

正月二十八日 奏二月分

奉先殿薦新品物是日早傳嗽畢本寺堂上官常服跪奏云太常寺卿臣某等謹 奏本年貳月分

薦新品物送光祿寺供 薦 奏 知一躬退如其

日不朝則其本題 奏式並同 知以後凡奏薦新品物

品物數

芹菜叁斤 薑菜伍斤俱宛大二縣 薑蒿伍斤武清

子鷺貳拾貳隻南京 冰光祿寺自薦

二月二十八日 奏三月分薦新品物

品物數

鯉魚貳拾伍斤宛大二縣 笋拾伍斤南京 茶禮部自薦

三月二十八日 奏四月分薦新品物

品物數

彘豬貳口 雉鷄貳拾隻士林苑監辦壹拾叁隻餘雨縣辦

櫻桃拾斤 王瓜壹百伍拾箇

杏子貳拾斤俱宛大二縣辦 青梅貳拾斤南京

四月二十八日 奏五月分薦新品物

品物數

嫩鷄參拾伍隻

上林苑監辦壹拾參復餘俱西縣辦

來禽拾伍斤

夏至李子貳拾斤

桃子貳拾斤

茄子壹百伍拾箇

俱宛大二縣

大麥仁參斗

先農壇辦

小麥麩參拾斤

先農壇辦

紅豆壹斗

砂糖壹斤捌兩

李子貳拾斤 俱宛大二縣

五月二十八日

奏六月分薦新品物

品物數

冬瓜參拾箇

宛大二縣

甜瓜參拾箇

通州

西瓜參拾箇

宛大二縣

蓮蓬貳百伍拾箇

霸州壹

百參拾

保定縣

壹百貳拾

六月二十八日

奏七月分薦新品物

品物數

梨貳拾斤

棗子貳拾斤

葡萄貳拾斤

鮮菱拾伍斤

芡實拾伍斤

俱宛大二縣

雪梨貳拾斤 京南

七月二十八日

奏八月分薦新品物

品物數

秣米參斗

粟米參斗

俱先農壇辦

粳米參斗

鰕魚拾伍斤

藕肆拾根

芋苗貳拾斤

俱宛大二縣

茭白貳拾斤

京南

嫩薑貳拾伍斤

直隸應天府江寧縣

八月二十八日

奏九月分薦新品物

品物數

粟子貳拾斤

編魚拾伍斤

小紅豆叁斗

砂糖壹斤捌兩

俱宛大二縣

橙子貳拾斤南京

九月二十八日

奏十月分薦新品物

品物數

山藥貳拾斤

蜂蜜壹斤捌兩

其宛大二縣

柑子貳拾伍斤

京南

橘子貳拾伍斤

京南

兔拾伍隻

上林苑監辦捌隻餘兩縣辦

又每年江西樂平縣解甘蔗壹千捌百伍拾根

本寺收送尚膳監薦 奉先殿

十月二十八日

奏十一月分薦新品物

品物數

蕎麥麩叁拾斤

先農壇辦

鹿壹隻

獐貳隻

俱宛大二縣

鴈拾伍隻

上林苑監辦拾隻餘兩縣辦

砂糖壹斤捌兩

紅豆壹斗

俱宛大二縣

甘蔗壹百叁拾根

南京

十一月二十八日

奏十二月分薦新品物

品物數

菠菜拾斤

芥菜伍斤

白魚拾伍斤

鯽魚拾伍斤

俱宛大二縣

十二月二十八日

奏次年正月分薦新品物

品物數

雞子貳百陸拾箇

鴨子貳百肆拾箇 俱上林苑監辦解

韭菜肆斤 生菜肆斤

薺菜肆斤 俱宛大二縣

附者嘉靖年

萬壽聖節祭告

內殿事宜

一前期四日本寺行揭帖知會司禮監填

內殿祝版 具題本開門進祭品并官員執事厨役

一前期二日博士捧 內殿祝版于

文華殿 上填御名訖博士捧安于 內殿供奉

一前期一日本寺官具吉服早詣

奉先殿候 上至行 祭告禮

一陳設

太祖神位

爵 魚 李子

爵 醢醢 紅棗

爵 糝羹 榛仁

爵 饅頭 芡仁

爵 鹿脯 栗仁

爵 韭菹 菱仁

帛

香

燭

燭

皇后神位

八廟同

一祝文

孝玄孫嗣皇帝御名敢昭告于

祖宗列聖帝后 曰明日乃玄孫初生之辰仰慕

本源奚勝上報敬以庶品之微躬伸祭拜伏惟

恩宥以鑒歆之謹告

冬至告

內殿祝文

孝玄孫嗣皇帝御名敢昭告于

祖宗列聖帝后 日時序如流節維冬至仰思

聖御追慕不勝謹以庶品之儀用修常祀尚享

歲暮前期三日進僉版揭帖前期一日博士捧

祝版于 文華殿 上填御名訖捧安于

景神殿 光祿寺辦祭品

按本寺志云嘉靖初 聖旦於至歲暮俱吉祭 奉先殿又查嘉靖四十五

年十二月本寺題本猶云本月三十日歲暮恭過 皇上祭告內殿所謂內殿即奉先殿也而此

景神殿說見前

一是日午後本寺讀祝 奏禮對引司香導

引官服吉服候

上至行三獻禮如常儀

一祝文

維

孝玄孫嗣皇帝 御名敢昭告于

祖宗列聖帝后

日維歲暮明旦新正追感伏增謹用祭

告尚

享

一供祀官共一十七員

執事樂舞生三十人

景神殿

殿建于

太廟東北奉藏

列聖御容每歲六月六日本寺官詣殿曬晾

嘉靖中

上大祀園丘大祭

方澤朝日夕月及視南北二郊牲出告回參

高皇帝后忌祭俱于

景神殿行二十四年

高皇帝后忌祭仍行于

奉先殿

隆慶中

大祀 圜丘并 視牲 辭參俱告于

太廟寢殿 大祭 方澤并 視牲 朝日 夕月

辭參俱告于

奉先殿

玉芝宮

宮建于 太廟東南奉安

睿宗獻皇帝后神主每歲六月六日本寺官詣

宮曬晾 嘉靖四年建 世廟享

皇考獻皇帝十五年改 世廟為

獻皇帝廟十七年改 獻皇帝廟日

睿宗廟祔 太廟享祫如 列聖二十年几廟災惟

睿廟存二十四年今 太廟成 睿宗帝后雖祔享

太廟然舊廟猶藏主馬每歲四孟歲除五享

太廟日仍設祭于 睿宗廟四十四年改

睿宗廟為玉芝宮隆慶元年二月禮部題奉
欽依玉芝宮四五歲暮等祭俱罷

六月六日本寺官具吉服詣

景神殿 玉芝宮曬晾

一合用執事官

景神殿

皇初祖 德祖 懿祖 熙祖 仁祖 太祖 成祖

仁宗 宣宗 英宗 憲宗 孝宗 睿宗 武宗

世宗 穆宗 各壹員共拾陸員

玉芝宮參員

程